

Tun M: Kalau Bank Negara nak tanah, bagi sahaja

SelangorKini.my

Januari 7, 2018

SHAH ALAM, 7 JAN: Pengerusi Pakatan Harapan, Tun Dr Mahathir Mohamad mendakwa Bank Negara perlu membayar RM2 bilion untuk membeli tanah dari Kerajaan Persekutuan.

Ketika berucap pada Konvensyen Pakatan Harapan 2018 beliau berkata sepatutnya Kerajaan Persekutuan memberikan tanah yang diminta Bank Negara secara percuma tanpa mengenakan sebarang bayaran.

“Kalau Bank Negara nak tanah, bagi sahaja.

“Bank Negara beli tanah RM2 bilion. percayalah duit itu beransur-ansur hilang,” katanya.

Menurutnya, keadaan seperti itu kini dihadapi Malaysia sehingga di dianggap antara negara rasuah tertinggi dalam dunia.

Katanya, keadaan itu menyebabkan Perdana Menteri, Datuk Seri Najib Tun Razak menginginkan kemenangan pada PRU-14 atau terpaksa ke Penjara Sungai Buloh.

Dalam ucapannya, calon Perdana Menteri Pakatan Harapan itu turut menggesa rakyat supaya tidak takut untuk mengundi Pakatan Harapan pada PRU-14.

© Copyright 2016 - Developed for the People of Selangor

Source: <https://selangorkini.my/2018/01/tun-m-kalau-bank-negara-nak-tanah-bagi-sahaja/>